



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

S. Bonifacius Episcopus: totius ferè Germaniæ, & Frisiæ Apostolus, et martyr. cap. XXXVIII.

**urn:nbn:de:hbz:466:1-38397**

nam Principis ueritus, quod Alpaide superducta, Plectrudem uxorem dimississet, grauitè increparet, & ut pellicem dimitteret continè hortaretur, ab impio Dodone Alpaidis ipsius fratre, qui fororis impulsu facinus excogitauit, in uilla Legia ante Altare Sanctorum Cosmæ, & Damiani orans, & in modum Crucis expansus, lancea perforatur; & sic beatissimus Martyr, cum Ioanne Baptista, ob impugnatum adulterium, cum palma martyrij occubuit, an. Domini 698. die 17. Septembris. Sacrilegus uero Dodo æternæ damnationis inuenit interitum: tum etiã posteritati suæ tanti facinoris iugem pœnam, & indeficîs opprobrium vsque hodie reliquit. Molanus in indic. SS. Belgij: Plata de bono Status Religiosi lib. 2. c. 30. & alij auctores in martyrologio nostro notati.

## S. BONIFACIUS

Episcopus: totius ferè Germaniæ, & Frisiæ Apostolus, & Martyr.

qui

*Directus est diuinitus in pœnitentiam gentis, & tulit abominaciones impietatis. Eccles. 49.*

Cap. XXXVIII.



ANCTI Bonifacij Monachi, & Episcopi memoria celebranda uidetur, & quod uirtutum laude suo tempore insignis fuerit, & quod omnium ferè historicorum testimonijs Germaniam ferè omnè ad Christi fidem primus adduxerit. Hic cum uirtutis singularis, spiritusque planè Apostolici indicia peregrina Romæ præ se tulisset, Gregorius Pontifex, eius nominis secundus, monachus, & ipse Benedictinus, dignum eū censuit, qui ab Ethnicismi nubem Germanorum mentibus dispellendam in Alemaniã allegaretur: in qua gente ad bonam frugem reuocanda, cum eam operam posuisset, ut industrij, eam fidem præstaret, ut pii: eamque prudentiam adhibuisset, ut doctissimi nomē in apud omnes consecutus: ita se tandem in illius populi animos infundauit, ut Gentilitatis euersis monumentis, eorum euulsis radicibus, ac Christi Cruce defixa altius, dignus sit habitus, qui, & Mo-

T T c

guntiaca

Suntia Ecclesiæ Archiepiscopus primus designetur, & Germano-  
rum Apostolus omnium sermone celebretur. De quorum per eum  
conversione sic capit quidam egregius Poeta.

*Quin se Religio multum debere Britannis,*

*Servata, & late circum dispersa faterur.*

*Quis nomen Vunfride tuum, quis munera nescit?*

*Te duce, Germanis pietas se vera, fidesq;*

*Insinuans, cepit ritus abolere profanos.*

Verum cum Pontifex illius prudentiam, virtutem, ingenium, intellexisset, eum Apostolicæ legationis auctoritate ornatum ad Gallos allegat, ut quos in Germania fructus longè vberimos ediderat, eos Ecclesiæ in Gallia quoque proferret: in qua etiam patria Turingis, Hellsis, Aufrasionibus, ad rectam Religionis viam tradendo messem longè copiosissimam collegerat. Ad Germanos postea suæ reuerfus, quam pietatis laudem erat adeptus, non torpendo amittit, sed docendo tuetur, laborando auget, ac monasteria veterum, seminarumque Deo, ac Diuis excitando latissime diffundit. Deinde cum cauet diligentius, ne quæ opinionum, aut errorum labes ex vicina Orientali Ethnicismi adhuc scelestæ obstructa, in suorum Germanorum mentes irrepat, in Frisiam contendens, indigenas fidei puritate imbuendos, dum summa contentione suscepta curat, à quibusdam flagitiosis viris cum socijs monachis quinquaginta duobus deletus, martyrijs & in terra gloria de in cælo præmio felicissimè honestatur, anno Domini 754. Nonæ Iunij. Corpus primum in Dockum ubi occisus est sepultum, & cuius Religione colitur. Ac non solum hæc prouincia æde præsentia eius nomini consecrata, illum ut patronum colit, verum etiam tota Germania illum, ut Apostolum suum summa veneratione vbique prosequitur. Eius autem effigies Episcopi habitu in inferioribus Rami partibus constituta, manibus insigne Frisicæ Orientalis pro trophæo gestat, est autem illud Sphinx aurea in atra planicie. *Ioannes Molanus in indic. SS. Belgij. Tritemius pluribus in locis. Plata de bono stat. relig. li. 2. c. 3. & alij in martyrologio nostro citati.* Scripsit dum uixit plurima opuscula doctrina Catholica referta, inter quæ feruntur: *Contra Hæreticos, lib. 1. qui asseruatur MS. in Monasterio Fuldensi. Pro rebus ecclesiæ, lib. 1. De fidei unitate, lib. 1. Instituta synodalia. De suis in Germania laboribus. Ad Ethelbaldum Regem, lib. 1. De sua fide doctrina, & religione, lib. 1. De vitiiis, & vitijs carmine, lib. 1. Epistolarum ad diuersos, lib. 2.*

harum nonnullæ ad Zachariam Papam, & Gregorium II. extant impressæ in tomo 2. Conciliorum. Vitam S. Liuii Episcopi, & Martyris: quam extare MS. refert Molanus. Vitam S. Lebuini Episcopi, & aliorum nonnullorum Sanctorum.

S. STEPHANVS EPISCOPVS,  
Sueciæ, & Helsingæ Apostolus,  
& Martyr.

qui

*Non sibi soli laborauit, sed omnibus exquirentibus  
veritatem. Eccles. 24. Cap. XXXIX.*



ANCTVS etiam Stephanus Vpsalensis Ecclesiæ, in Suecia, tertius Episcopus, & in cœnobio S. Viti Corbeix Saxonica ab adolescentia educatus, sub regu la S. P. N. Benedicti, & congregatione Luxoni ensi Gallica, ille qui primum S. Ansgario in Suetica messe successit, nullo modo censendus est Apostolica laude priuandus. Nam postquam amplissimo honore a Rege Stenchillo, & populo terræ in ciuitate Sigtuniensi exceptus fuit, & illam ciuitatem (quæ tunc inter maiores regni Sueciæ habebatur) cum tota uicina regione ad Christum conuertisset, seque ad Metropolim regni, Vpsala hodie uocatur, contulisset, Idolorum simulachra euersurus, inimico humani generis sic agente, & ab incepto proposito prohibitus est, insuperq; virgis cæsus, & lapidibus obrutus. Sed vir Dei gaudens pro nomine læsy contumelias, & verbera pati, ut olim Ecclesiæ primitiæ Principes, ex psecutionib. fortior surrexit. Stephanus enim non timore mortis quam se pro Christo tandem passurum nouit, sed zelo propagandæ religionis relicta Vpsalia, ad Helsingensem prouinciam se transtulit, quæ cum integram suis prædicationibus ab Idolorum cultura reuocasset, tandem decurso tam laudabili stadio, cum nihil aliud restaret, nisi ut mercedem laborum suorum reciperet gloriosam, placuit Deo omnium bonorum auctori, ut per palmam martyrii, coronam, & felicitatem consequeretur æternam. Itaque in terris Helsingorum, quorum primus, & præcipuus Apostolus erat, martyrio coronatus est, anno Domini circiter 850. Depictus vero Episcopi habitu, in

T T t 2 poste-